

Sintoqumis

Tan-a-uk sia tama-Qesul a seng-av tusqitdengaz luklas zaku tu: “Min-anuqu-a in! Min-anuqu-a in!” Idiip ang a Abus, Savi siin Ali masabaq ang. Minsuma Tama-Qesul maskalun zaku tupa tu, pinkelasi nengkun, kavavaa taldaqis i na tangus ang ata kuskun ma-un petulaqbing, mopa na medakis ata munhaan meqabasan mita tu lumaq. Saduak a Ali tu minkelas, at kan-anak munhaan taltutusan ta taldaqis. Pinkelasuk a dadusa binano-az un, taqu-ak tu na munba-av ata haip, tinsuu nengka amin mesnahaan sapalan ta munastu, at taldaqis.

Mama-un ang saam qesing a taqu-an saam tama-Qesul tu: “Ma-aq is ihaan medakis ata munhaan qabasan mita tu lumaq a, ka-a tu katmang pataqusngi, ka-a tu katmang tumumuqmuq, na paqenanan memadadengaz.” Mina-un in saam qesing a, dasun saam tama-Qesul me-opa ludun mananakis munba-av. Tunbantas saam mesnahaan bukzav mananakis tunlansan daantikis, ni-i tu zaav. Tupa Ali zaku tu: “Sadui tumaz a!” “Sadui tumaz a! bisukbisuk haan nastu lukis un.” Tuza tu sia qan a tumaz, tuza tu madaing tu tumaz! Samus qan a sadu-an saam tumaz ta ka tinsuu a tumaz a tunkalapat mundadaza lukis samamantuk zami ka minpising saam. Matisbai saam

tindangkul kanlavi duma tu bunun, panahaan in Kasing a pulambu in saam tama-Qesul hezang duma tu tes-aan, taqu-an zami nengka tu: “Sinadu saam sangan tumaz qe!” Sadu-ak sia tes-aan tu daqis a maqanuas salaz!

Hadasun saam tama-Qesul me-opa meqabasan tu lumaq a, taskun saam mantataluq mudandaan a, samuq is mulingku ka Aliav a, aiu dau! musziq dau a hinadas istaa tu na iskusia lus-an tu kamasia siin tamangu ka. Ai dau! uka in istaa ka na iskusia dau! Paaq pu-un, mananulu saam daukdauk mantataluq mudandaan i, sanbiaq is na maszang Aliav ta tu mulingku. Malangat in tu makahaan in masonqu-an tu daan, ni-i tu niapniap a panahaan in meqabasan tu lumaq desiq, i-ita saam maltatala duma tu tes-aan, ni-i tu zaav a minsuma in amin. Uqna-un saak tama-Qesul maskalun tupa tu: “Punhapavav amin a na iskusia lus-an tu qemqemangsut.” Siza saak davus, simal, konunkonun, kamasia siin tondada-an mapunhaan tanangus lumaq, at kitngaa in saam todaniv memadadengaz, at lus-an.

112 年全國語文競賽原住民族語朗讀 【巒群布農語】國中學生組 編號 4 號

庇佑

聽到 tamaQaisul 大聲的叫著我：「起床了！起床了！」催我叫醒著還在睡覺的 Abus、Savi 和 Ali 趕快起來去洗臉！一起早餐然後要動身去故居，我看著 Ali 自己從床上下來去浴室洗臉，我叫醒了兩位女生告訴她們說我們今天要去故居，很快的她們下床去洗臉。

吃飯時，tamaQaisul：「我們去故居的路途中，不可大聲說話也不可說髒話，祖先會笑喔（會受到詛咒）！」。飯後，我們從平地往上向山林小路走，沒多久 Ali 叫著我說：「你看熊！你看熊在樹下動來動去耶！」真的是熊！是很大的熊，結果熊正眼看到我們，我們很害怕，熊很快的爬到樹上，我們飛快的跟上其他的人；我們告訴他們：「我們有看見熊喔！」我看到親友們臉上羨慕的眼光。

tamaQaisul 帶著我們一起走往故居，結果 Aliav 滾下去，他帶的祭品都碎掉了，沒有祭品可用，我們小心的走下坡，往上坡的時候就好了，沒有多久，我們到了故居的院子，我們就在那邊等其他的親友。全部到齊了，tamaQaisul 又請我叫親友們拿出祭品，我就拿出酒、肉、水果、杯子、糖果放在舊房子前面祭拜，然後我們一起邀請祖先們。